



序



曩者舊遊維揚焦里堂先生出詩相質携歸浙中與一二老輩傳寫以誦其  
不憚然心服里慕其為人越十七年復客邗上先生有才子子曰虎玉復以詩相  
質一再循誦其心服至異讀先生詩時也予惟詩之法不一端其要不外乎誠  
而已記曰昔我友先正其言明且清詩曰其風肆好其詩孔碩皆言誠也非可以  
偽而致也夫惟忠厚排惻之誠蘊積於詩之先者既深而後感於物而動不獨言  
志述事可以揚清激濁風厲未泐即亦遠光景不必字托寫遠有長言不  
能者其此誠之不可掩所以入人家深也雖然以情文以文被質又有道焉序曰發  
乎情止乎禮義交發乎情者吾人所同而止乎禮義其功非淺近可至蓋自風雅  
以降作者咸有纏綿要眇之思而要其極則必有持之弗失者以為歸宿易曰修  
辭立其誠言辭之不可苟也及世之為詩者不究原委之清濁風者之芳臭好為新



奇汗漫三詞於能角勝而不已母乃知發而不知止也及君家三十六湖之濱據以

木齋勝愛淮河漢朝宗委茲蓬子以弥望渺然閉門却掃名父子自相師授視世之貪

散名者其或懷人盛事托為咏歌混厚萬摯之情蓄於中其由並不能自己而

又持守矜慎惟恐不合於古故物疎道就發興述而宗意遠非身而不於成方者所


及也可謂誠也已矣君於經學家深未冠即博通諸家義疏闡明三角八綫之法今

更著書述古為遠近所宗嘗惜鄭康成孔歆達諸儒經術紛編其詩歌之所

表見君以曰諸四經五際者為之補其闕憾則又前人所難也予讀君詩既卒業因

推原詩之必存於誠者為之序並以贊諸先生其何以教之

嘉慶二十年秋八月既望吳興徐立元拜撰



里堂詩集卷一



江都焦循撰



古意

庚子至巳酉

不願郎富貴願郎長在家郎富蓄姬妾郎貴遊京華

與雀角其飛雀善而我惡與梳爭其負梳彊而我弱

食豆不可生食水不可熟位置各有宜戒郎休反覆

即在洛陽城妾住長千里洛陽春多花花開結紅子

顏光祿作織女寄牽牛詩擬為牽牛答詩

列宿何繇繇配惟予二人尺素何淒淒勸君毋泣然二

曜步孔稷上帝恩亦頻若姑事機杼余姑勤力田

壬寅春雨雪十數日不能出客亦不至轉以詩自娛  
錄之得十二首

漬久地自透錢鈍入亦深梅花抱孤傲植之依石陰君  
能遠市味風雪寧相侵郁郁甕中酒悠悠江上琴  
春水煮春茗其味香以輕瓦溝漏天液喚僕移瓶罌受  
小而委大倏忽乃滿盈浮漫宜早過不遇將毋傾  
煨茶燒春雪茶烟滿窗牖帶濕然柳枝綠雲儼在手一  
啜清風生妙味入胸久阮籍嗟窮途此際復何有  
乘飽究書緒心靜因神迷手弛帙自落垂首從斜啟髑  
髏亦何擾葛藟亦何遺觸案頓驚寤神味來遲遲

甲鏊久不解城池將為焚汲泉洗枯硯次第除塵氛泉  
水淨如鑑頃刻成烏雲烏雲有時散紅日有時曛

霾曠匿蟾魄蕭室苦沈晦挑燈惜膏竭草短復將墜風  
聲雜馱嘶雪氣迫狗吠獨坐思古人揶揄知鬼評

驢老怯風雪張頰長悲鳴訥訥向人語駘作求食情寒  
畦有野綠裹以鬣中航飽斲健足骨吾將踏新晴

柴門向橋畔漁人繫船立衲縫羊皮風雪半侵濕掀  
須發款藹凝目待魚集因起得規蛤招手喚兒拾  
雪密漬衣寒泥肥藥田瘠農人志在食奚恤濕襪襖一  
家分兩船往來沿沙磧飯熟聞婦呼扣船歸却宅



晝晦午若酉樹畔歸寒雅肅肅擲殘雪紛紛飛墨花近  
林必掠地將宿先囂華樂兮此雅志避弋依幽遐  
邨人敬社神懸燈若帆席細雨透燈紙燈光滉紅白朔  
風嘯空野寒星滿春澤婦子喜年豐倚門話今昔  
橋下水如夢橋上雪如練人過雪中橋行行赴僧院隔  
溪鐘磬清穿林燈火見枯坐懷孤禪天人息交戰

六合道中

曉辭六合趁清和遙近江風入素羅十里垂楊青不斷  
車聲停處酒旗多

方景二公祠

衰絰緋衣事不同各抒肝膽建奇忠而今烟雨蘭陵路  
不見燕王見兩公

病起東顧超宗

名鳳元  
興化人

半榻殘書畫影侵此身多分已成蟬病軀新起渾無意  
坐看落花飛小禽

姚仁和百歲

誰訝雞窠事未真村中已有百年身能談三世已前事  
不見少時相與人短鬢插花猶帶黑布袍補線恰安貧  
竹籬到處春風暖坊表宜邀帝澤新

九日

此日宜持吏部螫吾家賸得是牢騷人非陶令何須菊  
詩勝劉郎不在糕兩岸風聲催塢葉一天霜影醉溪毛  
藥爐茶竈蕭條甚枯坐頻將短鬢搔

荒年雜詩

三月無雨種四月無雨栽昨宵雨若鎬猛至驅塵埃東  
鄰摘野蕨西鄰蒔園菜園菜黃葉黃蟲野蕨根傾頽  
采采山上榆榆皮剝已盡采采墓門茅茅根不堪吮十  
錢二斗粟百錢二斗糠賣衣賣糠食兒女賣牛買粟供  
耶孃無牛何以耕無衣何以燠休問何以耕休問何以  
燠未必秋冬時一家猶在屋

未死不忍殺已死不必覆出我橐中刀剝彼身中肉瓦  
甗燒枯苗煎煎半生熟羸瘠無脂膏和以山溪菽生者  
如可救死者亦甘服此即妻與孃一嚼一號哭哭者聲  
未收滿體乍寒縮少刻氣亦絕又滿他人腹

稚子啼路旁哀哀歲六七問兒何為啼不食已二日昨  
從阿耶來今早阿耶去言去乞水漿置兒卧此處行者  
憐其孤攜歸脩驅馭餓久腸胃枯不堪任充飫  
孤村苦盜賊相集防不虞鳴鏡出林竹張炬然溪蘆初  
昏迄黎明遠近聲相呼攀木坐屋角四顧時鬻弧叢榛  
有人匿互警施刀鈇一炬草木盡衝烟走雄狐



春作農家子冬為求乞兒豈無百畝田泥土難療飢親  
鄰亦如此稱貸將何之久沐 聖朝化穿窬非所思不  
甘閉戶死猶望長者施一家六七口沿路相追隨亦云  
春月至還家耕新菑昨夜北風起老父斃高隄稚子凍  
斃盡霜雪埋其屍妻子曉辭去不知曾夫誰顛粟卧野  
寺衣淺難支持餓死在旦夕名姓孰問知

縣令乘車來省視災與飢蠕蠕村中名民匍匐前致詞

形骸骨立語孱弱長官救我呼聲遲長官向民語爾眾

勿傷悲一日告大府三日奏 天墀有錢買新絮有米

炊香糜事無十日遠少俟無遷移蠕蠕村中民匍服稱

仁慈拜送長官去相顧形嬉嬉

富人有長者捐米施餽粥架廠環數畝邑宰坐中屋咽

啄桑中蠶苟午散南北家有父與母老病久枵腹哀告

給半筐將歸救窮蹙

丙午二月末嚴寒勝殘臘裸體躄門檐驅之莫容內背

倚相為菑男女任叢雜孰知骨瘡冷不融霜華著肉吹

寒風皮黑若漆痛不覺頭顱如散心如空終日嗷嗷預

鬼泣曉來滿地橫偉蟲昨日死十七八今日死廿三四

荻捲卷如蠶一穴百十肆君不見農夫餓死西原頭焉

烏攫腸犬食臂

雨後憶田家景事

猛雨拂炎熱晴光淡天地烏捷柳下閒邨老理田器欣  
欣塍中綠生意滿郊遂白鳥時飛飛小立破平翠  
牆破東南隅青青竹與桑呼兒姑編籬其言瑣且詳牆  
下韭葉肥泥濕蹴易傷無稻腹何果無蔬難進觴  
鄰翁扶筇來相見言依依君家園中麥曾貫無遲違入  
市二斗餘携將百錢歸阿甥為牙郎言值當尤微  
橋畔溪水新遊魚唼芳杜新婦單葛帟結作漁家罟榆  
陰生微涼左右蔽炎午稚子牽鳴蟬飛飛怒鄰母

李貞女詩

古者不室即不父葬不入兆廟無主上殤立後惟大宗  
士庶未昏死即腐俞家郎年十五瓦棺只合埋園圃如  
今立嗣如成人祭薦不絕名載譜子承祧孫繼祖誰之  
力歟李貞女貞女二八年父母將別許貞女矢志志不  
移血淚垂垂語師姆投繯白刃吾所甘恨不捐生入泉  
土一死徒傷父母心死者泯沒終無補誓將以妾存吾  
夫竟入夫家守貧窶二十喪服除三十操春杵四十殯  
尊章五十諸姪撫六十遭凶荒糠糲衣藍縷今年七十  
稱希古白髮蕭尚勤苦女而不婦誰之云同心何必生  
同處或云未嫁義可斷此言迂腐殊齟齬前朝未仕歸



新朝往往慙惡假此語商之伊周之呂吾恐猶羞見此  
母

戊申元旦

絲雞蠟燕俗相仍脩物吾家笑未曾老去梅花多似叟  
雞殘柳樹半成僧經綸嬾話晁家令風采時摹張李鷹  
兩甕屠蘇十日醉醅醕也博酒徒稱

舟行

江南又秋矣來此亦何依仰聽百帆嘯眠看兩岸飛蕭  
蕭客中鬢浙浙肩上衣啓窗望山色夕陽淋翠微

題攝山僧寺壁

所為本雞助來斯意益枯石留雲影靜松護月痕孤豈  
尚繫凡念殊堪息病軀佛龕燈火碧長坐對檐聽

巴貞女挽歌

貞女者何巴氏女張子繼室聘未娶行年十七聞夫凶  
前婦遺兒二歲許兩家父母愛惜深未行婚者可從父  
再嫁之禮禮所許貞女大笑周公腐夫面未見血可同  
兒也未懷身可撫柏舟既夫母諒人洒然竟入張家宇  
輪三周兮御者誰檐車素白淒秋雨桃夭兮霜烈烈  
鴛帳空兮總帷舞婦未成兮母德全撫摩盡瘁忘寒暑  
孰知天道不可測檐前老菟啼聲怒臘月雷轟六月冰

嬰兒攫去苛於虎懷內珍珠亦已空胸中金石原如堵  
青帟獨守夜風清女自甘兮人若苦吾聞貞女幼讀書  
女箴閨範皆全睹諸讀書如此乃真儒不識字兮光與  
禹今以戊申十一月痛哉發痘歸泉土九年節操蕙蘭  
香清泉皓月堪為伍備效龍門太史筆丰神描畫遺千  
古世有杜夔歌此歌柔面男兒色或沮

哭超宗

顛狂自白  
風雨自白

翹首徒然問太虛思君幾次淚沾初一生辛苦但謀口  
半死沉吟猶讀書果是奚囊病昌吞恨無遺頌出相如  
早知才大嬰天妬也卧湖濱作老漁

十年相處作交遊死後丰神想處留傲物每張青白眼  
養親時作稻梁謀更無讜論來雙耳尚有譏言到九幽  
自是眾人皆欲殺而今猶未愜心不

與尸兩世尤堪痛白髮衰親正倚門半榻殘燈橫病骨  
一湖寒水隔秋魂超宗死于揚州  
其家猶未知縱然命蹇何應死說到名

傳豈易言郭有道碑吾不愧文章今且為君論

春日新晴

雨歇楊橋後春從晴處加元駒歸砌穴黃犢卧檐牙燕  
捉風中絮魚吞水上花飴簫聲喚過窗外夕陽斜



第一卷四十四首

里堂詩集卷二

唐成至甲寅

姑惡惡

哀枉不申也伶人妻淫畏婦見迫汗之婦拒之不從  
以剪刀殺於雪中伶人故伺候巨室不知妻淫且衛  
妻託巨室屬邑令又以錢賂婦家遂不理也

姑惡惡不敢言姑惡姑惡惡不敢隨姑惡此身既許夫  
此身不許姑姑心不念子妾心不念死妾死化作東門  
榆東門榆莢稱無姑妾死不化姑惡烏不言姑惡言姑  
好兩親不訟官不追妾陰為之為官保

江都焦循撰

趙氏門前杞

趙氏子娶未久遊于遠方十年妻守無他志書至曰  
吾不歸子可以嫁矣婦恚而死

趙氏門前杞青青向溪水君始出門去送君雙立此君  
留青絲纓妾贈昏時纒別時妾十七屈指延一紀歡喜  
開君書華草忽飛絮知心孰如君信妾未他去知身別  
有婦欲妾別有夫趙氏門前杞對此獨躊躇新枝別時  
無舊枝今摧枯君猶念妾身妾懷君厚情欲生如情何  
欲嫁如情何

周縣丞奴

周縣丞奴陳德者越人也臺灣賊起周被執奴左右  
之十餘日及周遇害奴奮殺賊賊支解之  
主人食者君之祿君所食者主人粟海隅狂魅興妖氛  
主人罵賊義不辱賊羣如鬼團風沙賊刃如霜落喬木  
頭顱斷矣聲尤蒼血飛一天滿地內主人行勿速小人  
殺賊來追逐

薛荔

刺奸吏也以罪流遠方有閔之者作此以告

薛荔哉薛荔薛荔不自疾霖雨寧培墓門棘訓侯之羽  
蒼癭擊薛荔休怨天南山蒼猢滿後前



喜張萼樓

二

至

名廷輝  
山陰人

男兒不走萬里路何事得迎吟音詩人世別離何足定  
逢君又是落花時

江邨二首寄城中諸子

舊橐携來兩卷經江邨聊自寄吾形風催風帆月流窗白  
雨帶山烟入硯青晝永只聞羣雀語林深時有片雲停  
年來益老漁樵性愛倚幽閒自醉醒  
橋竹林花絕市塵又因坐靜覺情生大江來去舟何定  
良友別離盃獨擎屋上鳩聲愁夜雨梁間燕子愛新晴  
幾時共買平山棹盡取詩人太一評

嘔血

病魅何為忽我侵丹霞冉冉出胸襟為多軫輟猶難死  
別有膏肓尚未鍼不見項癭成左癖幾人身瘦作書淫  
山妻對此休驚怪紙上編爛吐到今

送客

昨日良朋去懷之已斷腸不堪重送客轉似自離鄉

答朱休臣

名士彥  
寶應人

從來杜母重知名慚愧齊筭逐隊行狗曲怒曾逢博士  
龍頭句敢壓彌明聞雞野店君先舞種樹重堂我未成  
莫道珠光為科目秀才胸次有蒼生

原作

朱子彦

租驢博士鎮相逢被酒何人識乃公坐擁百城胸列  
宿行吟七字氣成虹大兒文舉今安在老子韓非傳  
可同甕社蚌珠知有意相期携手鳳城東

內人三十

鴻菜風味可追尋聊向秋花酒共斟七八年來忘我困

三千卷裏記君心

內人畫賣銀珥  
買書百餘部

綠葵紫萸勞烹飪布襪棉

衷費剪紵為笑良人多賤肯不妨姑效白頭吟

陸丞相刻印歌

中書省  
印為李執懷作

臣不願蹈海死臣則願與國存德祐恥雪兩京復小臣

解組歸茅屋小臣自幼學六書程蕭張秦江林徐一刀

兩刀畫如肪驚雷怒電開瓊瑤臣不效歐陽集古好金

石斷碣殘碑日尋核亦不效督師江上賈悅生空誇丞

相嗜奇名以石作敵敵可滅削平聊試昆吾鐵屑飛若

雪塗丹朱宜中之肉夢炎血吁嗟乎先生入海長已矣

先生遺石生不死寶之哉昂莊子

賣饃婦

真州蕭氏婦賣饃於市數十年今邑已衰謝不復如

舊時之名麗川撫軍聞而圖之盖有感乎是也江南

士大夫好事者爭詠其事友人告余余慨然久之亦



賣饅婦家在真州市頭住昔年十五二十時當壚卓氏  
分容姿回頭一笑行人癡桃花失色驄不馳賣饅婦賣  
饅日日人如蠅以饅繫姓呼饅名賣饅婦今已老鬢絲  
如雪傷秋草秋草春又生秋草春又綠儂顏日就衰漸  
遠時人目時人所愛蒲與楊蒲柔脆驚朝霜山有巨柏  
鬱鬱蒼蒼老鶴盤其顛僊人啜其華昔年有客泛滄海  
萬里烟雲片時改朝見青山夕不在珠簾翠幄生黃蓓  
賣饅婦爾勿悲爾勿惻畫圖猶作少年色

雲貞行

女子雲貞其夫以罪戍邊寄以書闕吏啟之辭深婉  
嫺麗有詩人汝墳君子于役之風寶應朱文學士彥  
志之以詩事可見矣書中有楓亭分手之語共傳為仙  
遊縣人也

郎戍伊犁城妾住仙遊縣萬里一封書開書當妾面郎  
本武健兒負氣樂勇戰涼秋木葉脫禽肥出沙甸郎騎  
青玉虬右挾僕姑箭一發斃雙狼聲名塞人羨郎面獨  
如昔年年春夢見

北門送客行

朝從北門來莫從北門去來時共一心去時分兩處寒

風著素秋晨雞報旅曙孤蓬草樹間飛行悵神助囊無  
綠綺琴欲訴難徑語嗟哉泉下人徘徊發長慮

哀小甲

小甲某執盜於市盜刺之至死不釋時壬子冬至前  
十日也

奉職無貴賤盡忠無顯微茲冬苦不雨盜賊鑽城扉東  
家困失米西家篋亡衣城西有小甲發奮獨呀呷夜別  
妻與女朝別兄與母我任在驅賊賊擾我心色沮幼女  
啼牽衣耶出須早歸壯士瞋目怒拂衣去不顧擅笠短  
後衫持挺俟邑路慘慘市橋月烈烈衝冠髮一賊伏深

巷擊刺起倉卒壯士未及防白刃飛秋霜身遇十數創

耻句注字

字

字

字

字

字

字

字

字

字

字

國以之作守令循良必堪式所惜未知書知書者何如

虎鯊吟

吹沙鯊小魚俗謂之虎鯊湖中人張瓦取之以當蔬菜

乙巳丙午湖水旱涸種類頓絕八九年矣今秋復繁

衍如昔足為豐年安樂之象因詠其事

年歉魚頓竭年豐魚復生小物不足記生死關民情憶  
昔值荒歲有田無能耕農夫率妻子就食梁與荆荆梁



風著素秋晨雞報旅曙孤蓬草樹間飛行悵神助囊無  
綠綺琴欲訴難徑語嗟哉泉下人徘徊發長慮

哀小甲

小甲某執盜於市盜刺之至死不釋時壬子冬至前  
十日也

奉職無貴賤盡忠無顯微茲冬苦不雨盜賊鑽城扉東  
家困失米西家篋亡衣城西有小甲發奮獨呀呷夜別  
妻與女朝別兄與母我任在驅賊賊擾我心色沮幼女  
啼牽衣耶出須早歸壯士瞋目怒拂衣去不顧擅笠短  
後衫持挺俟邑路慘慘市橋月烈烈衝冠髮一賊伏深

巷擊刺起倉卒壯士未及防白刃飛秋霜身遇十數創  
格鬪聲愈行人遠避邏卒失人色天昏朔風黑身死賊  
亦得義勇如斯人捐軀得其職以之作將帥孔武報王  
國以之作守令循良必堪式所惜未知書知書者何如

虎鯊吟

吹沙鯊小魚俗謂之虎鯊湖中人張瓦取之以當蔬菜  
乙巳丙午湖水旱涸種類頓絕八九年矣今秋復繁  
衍如昔足為豐年安樂之象因詠其事

年歟魚頓竭年豐魚復生小物不足記生死關民情憶  
昔值荒歲有田無能耕農夫率妻子就食梁與荆荆梁

遠復遠途路嗟難行制府川中來巨艘移新杭居者不  
餓死散者歸鄉閔畜牧漸蕃息倉困漸充盈婚嫁締新  
特滋衍生孩嬰小者善啼哭大者能趨行驅雞衛糧穀  
候門習送迎隣里具斗酒勸樂相罵爭自農夫暗垂泣  
哀苦言難明閨中舊有婦凍死無墳塋膝下舊有子賣  
往他鄉城聚首更何日恨淚空頻傾

秋居

田事已半畢秋居知適然豆稀遙見兔柳落靜聞蟬爽  
氣開眉宇閒心生暮天自甘陶令拙才效子雲元

董子祠

時兩淮鹽院  
董公椿新修

甍瓦碧參差巍巍董相祠學超三傳外鬼辨六朝時慢  
古飛仙蝠廊空穴細蚺昨聞檄脩葺遠邇慕經師

老将

百戰功成後將軍已白頭袒衣觀箭迹把酒話兵謀塞  
骨悲同伴山碑聽永留封侯少年志疎雨灞橋秋

贈劉松嵐

名大觀  
印和入

忘盡宰官身風流賀季真詩情山石瘦人意水雲春值  
此太平世俱為堯舜民無容效龔遂談笑即經綸

莫愁湖

暮出西門行秋心亦秋水渺渺莫愁湖寂寞李公子



秋暮

秋暮日半落暝光上竹亭蕭疎風後葉明滅雨中螢獨  
坐向階砌冥思得性靈五年斷杯酒今夜覺初醒

雞鳴寺

山頂結伽藍登臨性所耽一湖低檻北萬竈疊窗南鬼  
嘯臺邊石僧眠閣外龕鐘聲鳴不住日影下烟嵐

大疫室人幾死弟復感之不寐作此

壺內三更盡胸中百感消劍寒謀殺鬼樹落怯鳴梟仗  
酒謝愁鬱攤書作寂寥連朝陰雨濕倚壁坐秋宵

追詠九日二首

九日過不覺于茲已二旬茱萸空入藥雞犬自成春病  
骨幸能健荒年豈獨貧醉醒皆野馬無酒亦何嗔  
歲厄逢陽九唐虞固值之疫深驚夜哭穫少慮春飢案  
有書堪讀胸知命不移桓家本無故焉用入山為

幽居二首

幽居怯拜迎獨處正怡情對雨琴聲暗看花酒念生簷  
光尚殘臆詩思欲新晴漫道隨時樂非真即好名  
病後惟嗜靜閒中亦廢經佃農知候雨兒女競談星細  
鳥無端聚垂楊有意青學疎鳥足用未敢志公廷

題吳玉松太史

除夕遊山圖

太史名雲  
吳山人

忙者何日閒閒者何日忙誰道歲云暮舉世宜皇皇俗  
喜嚮喧熱君意故冰鐵此遊知無心披圖信風節

題黃宗易印譜作名是長

堂明人

雕蟲非壯夫何為事佔畢白骨難千年名字空稱述溶  
溶誤水春淡淡邗城日為我寫古懷君有刀如筆

看棊

蠻觸爭持智各殫方觀我色獨無難乃知人世爭榮辱  
最妙身從局外看

西子

黃金不鑄舞衣裳太息弓田鳥盡藏豈是無情是無福

風流消受只吳王

題朱敬亭乘查圖

名極吳  
山人

危莫危乘枯查險莫險大海水海水立萬丈波濤發奇  
響孤砂踪渺何處迷離入煙霧變化看桑田忘機識鷗鷺  
吁嗟乎天上斗牛分人間吳越路君既之乎斗牛茲獨  
來於揚州試問曲江水曾如天漢流君不見西海之查  
星月挂衡陽之查作妖怪查兮查兮豈不靈千年萬年  
皮常青查中人聽我一言八月之望織女一日一周朝  
在北夕在南查十二歲一周身經乎窳窳之野窟耳聆  
乎精衛之音窳窳蠕蠕多如蠶精衛啾啾愁不堪查中



九  
人何不乘桂楫泛沙棠紫微帝座光皇皇三台四輔正  
位中央君乘雲漢之升氣自東井踰天潢宿閣道繞王  
良倚魁柄兮聯文昌從輔弼兮稽首天王查中人切莫  
效海上客袖中空得支機石

第二卷三十四首

里堂詩集卷三

三

江都焦循撰

露筋祠

曉開八閘鋪莫宿露筋祠此去一千里離家十二時冰  
聲過船激燈影出林遲高卧待春色小村霜滿茨

汜水

秦郵過未了汜水石隄邊湖鳥下寒堡村危吠夜船苦  
吟得新白微醉覓高眠為不離鄉慣禁客夢牽

漁溝

漁溝三十里南望隔河濱堠影出寒樹車聲入暮塵平

原任馳目陰壑未知春道上多豪客揚鞭不問人

題王叔畦孝廉山水畫

名清美 孫人

亂竹枝宜斬枯林葉未皴欲教春意滿還問作圖人

題美人對鏡圖

采：幽蘭花曉起自粧靚深淺休問郎只問青銅鏡

佛峪

朝從佛峪遊五步一回曲縣厓愕人意亂石蹟馬足窗

收鐵角雲樹接龍潭綠安得李營邱圖之饋凡俗

龍洞

佛峪之西北五里至龍洞仰度不盈尺躋入亦容象玲

瓏百步餘烟雲任迎送魏、公子樓的、仙人壘

閏二月三日小滄浪亭修禊

溱水出西郭北流成明湖空亭面清漲山色盈四隅春  
半草木長未與江南殊岸柳著微綠池鳧乳新雛開櫺  
揖蒼翠遠風吹烟蕪良辰隔春閨卅月遙相須使君發  
清興少長邀與俱余未詣山左千里馳崎嶇勝會值孫  
謝風詠追沂雩聚散寧有常及時宜嬉娛落日滿城堞  
長歎沿歸途

章邱道中

又整征衣冒曉塵歷城東去古關津可知同馬墳邊柳



綠到車前已莫春

途中寒食

細雨密濛濛，斜從撲面風。不堪寒食節，况又客途中。草  
襯新墳碧，花攢遠堠紅。青州明日到，酹酒奠喬公。謂樗友

青州五首

駝山高入海，雲中地轄三。齊本自雄古，治墓寒春草。瘦  
蒲姑城晚，夕陽紅。千年遺事餘，鴻爪萬里浮。光到馬瞳  
昨夜老楸花，下宿夢魂何處覓。愚公

丞相園亭鎖院西，雲門山色繞成隄。苔階木老龍蛇卧  
石洞烟深鼠雀迷。國有名儒評衆議，家多令嗣與人齊。

白羊青草渾閒事，舊話傳來共品題。

籬下何人肯寄居，停車再拜趙公廬。牧之自不宗長慶  
康樂，真能創永初。此日河淮流正合，當年蠻觸戰無餘。  
寫神刻骨俱千古，太息談龍一卷書。

偃師奇士老經生，如莫覓蕭條駐此城。北里頓消淫女曲  
南牆誰買令君名。指揮渤海翻波色，談笑牛山落葉聲。  
我為懷人尋往事，范公祠外祝鳩鳴。

顏監文章脈未刪，掄才喜值趙閑閑。靈虵珠老俱盈網  
赤豹春深盡露斑。客夢昨縈金嶺鎮，車塵遙指穆陵關。  
壯遊明日蓬萊去，又與仙人共往還。

輿夫行

山徑險且長石稜棘驟脚易復使人昇縣隸入村索壯者不肯來：者老與弱一夫十五六骨髓正柔薄牛背跨已習兩足無檢約一夫目矇眊背行類鶴五步一互肩舉手蹙搖鐸夫面黧瘠衣綴交錯日出豎日中才噤兩膊託一夫黑短肥西走向宛洛邂逅輓之行：如蟻街却相持萬仞顛亂颭風中萼下窺千尺潭神氣各剗削闐然一馬奔老者蹶於壑幸得鬼神救僵仆陡崖崿良久徐致辭家居負城郭奉養無丁男轉移助田作主伯家千金年豐自饒樂朝聞官有呼迫使我代若欲

以衰朽辭晨餐望誰托不如大海魚隨波任潛躍不如倚樹花春時自開落

昨日村中居叢棘見官隸輿夫一既充頓扶官之勢首翹厥脣益聲與色俱厲呵呀聲殷雷行者避其銳道逢販者車縱橫令傾鬻販者不敢言佞頭暗揮淚

登州雜詩三首

車驅千里外地極九州東平朔月痕見當頭斗柄中風聲喧日夜蜃氣出青紅欲拜田橫客淒：墓草叢海氣作寒烟登州四月天大魚鮮入骨高樹綠猶奉夜火烏狐成腥風黑虎泉三更人語寂坐擁舊青氈



聞道蓬萊上金銀舊有臺白雲仙市合黑豆賈帆未嶼  
色連朝霧濤聲走迅雷登臨一憑眺搔首獨徘徊

江定甫贈刀作詩酬之

名安係

孟勞聲裏見霜鋒練影森々出數重有客丁寧休鍛鶴  
幾年辛苦學屠龍武城雞擾傳良吏渤海牛眠羨老農  
我乏瓊瑤酬未得敝裘羸馬鎮相從

和詩

江安

南州無夢入中宵折盡歸心客思遙持贈意無文  
權隱善藏語愧潘園超百金我豈勞裝飾七字君真貴  
鑿瑤篋裏寒芒飛去後却添麗白勝瓊瑤

官柳

聖朝治盜之法法天地不以人治以木治山東劇盜馬  
上來橫截客商、莫避夫道青、植楊柳楊柳成衙觸  
馬首千里真成草木兵十圍詐出將軍肘天鷄一啄攬  
檐落飛鴉食甚民懷樂清陰喜見四方方行人之得暍  
人托今年遊跡巾山左車塵十丈春烟鎖舊枝老禿新  
枝高舊枝枯立新枝叢新枝舊枝歲相易來者去者日  
千百太平已久路塵清樹不邀功自青碧吁嗟予為國  
之楨報天子道身官柳猶如此

寒亭

千里黃腫路寒亭兩度過封疆判齊紀爭戰始洗戈樹  
起風中嘯沙翻月下波登臺覓碑石撫字一摩娑

濰河

十丈風沙一丈波平明驅馬過濰河來從東海神山上  
對此涓流又若何

惠民阿姊行

惠民縣有殺人一家而火焚其屋者於燼中得一臂  
一鉢其女懇諸縣：不理轉相懇者五年甲寅軍撫  
軍未閱案牘知其冤遣總督兩湖以是屬繼撫王公  
廉之果得被殺狀置前不受理及訊鞠不實者於理

國人快之且壯女之不屈也

阿姊年十九阿弟年十一阿姊曰：向弟說邪娘慘變  
賊潛逸阿姊抱屍臂阿弟持鉢鐵俯伏公堂叫地天長  
官大怒聲如裂尔父及母天所災誰與健訟咳兒來兒  
泣不能語姊泣欲語官不許坐兒誣懇飭隸拘與姊持  
抱相哀呼姊憤懇於上上官受其狀定案誰能翻冤沈  
咎以誦反復悲鳴秋復春形容枯立衣如鶉指天自誓  
：以死大仇不雪吾不已龐娥剗刃終非謀惟望朝廷  
代為理至誠所格天垂閱攫罕鳥雀來鷹隼五年疑獄  
一朝伸行道之人涕為隕讐人戮阿姊病一孱女子見天



性阿姊歸長官走民冤不理尚誰咎

阮學使招馬秋藥比部徐惕菴太守顏運生教授孫  
蓮水江定甫兩文學暨余集水木明瑟軒

渤海方歸日明湖復見招荻肥船路狹柳靜馬聲遙卷  
慢心愈濶看山酒易消漁洋佳會地風味至今饒

半城

飯罷青駝寺行：宿半城石危窮馬力谷遂滿車聲遠  
樹藏村店官墩紀客程拒家期可計山月伴三更

紅葉

老杜休吟玉露凋閒看紅葉過紅橋轉因霜信添濃麗

誰為秋山破寂寥牆角又迷春後眼江頭時趁晚來潮  
衰年庾信悲搖落到此文章色倍饒

蟹舍漁莊小徑通寒山如火欲燒空桃源隱約溪光外  
鴉墨<sup>分明</sup>夕照中何到殘秋纔炫日<sup>不所</sup>怡教幾日又驚風  
盈虛無定憑天地一度飄零一度紅

落葉

高勢不可住紛、辭故枝委形修竹裏回首落花時鶴  
脛朝留響蟲窠冷挂絲隔溪蕭外有客動秋思

卦陣雷澤為乘子卦辭雷澤為乘子卦辭  
雷澤為乘子卦辭雷澤為乘子卦辭  
雷澤為乘子卦辭雷澤為乘子卦辭  
雷澤為乘子卦辭雷澤為乘子卦辭

雷澤為乘子卦辭雷澤為乘子卦辭

雷澤為乘子卦辭雷澤為乘子卦辭

雷澤為乘子卦辭雷澤為乘子卦辭

雷澤為乘子卦辭雷澤為乘子卦辭

雷澤為乘子卦辭雷澤為乘子卦辭

第三卷三十首





